



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Mortis

Corrozet, Gilles

Coloniae, 1557

VD16 C 5284

Illustrationen


urn:nbn:de:hbz:466:1-34296

riſti,
k:
oſtem,

CREATIO MVNDI.

Formauit Dominus D E V S hominē de li-
mo terre, ad imaginē suam creauit illū,
masculum & fœminam creauit eos.

GEN. I. & II.



Principio Cælum, Terram, Pontumq; ſonantem,

Ex nihilo fecit uoce potente Deus.

Inde leui terra diuinæ mentis imago

Gignitur, humanum Fœmina Virq; genus.

A 3

PECCATVM.

Quia audisti vocem vxoris tuę, & comedisti de ligno, ex quo præceperam tibi ne comederes, &c.

GEN. III.



Fallitur infelix à stulta coniuge coniunx,
In iusto comedens tristia poma Deo.
Commeruere graue scelerato crimen Mortem,
Legibus hinc fati subdita turba sumus,

M O R S.

Emisit eum Dominus D E V S de paradiſo
voluptatis, vt operaretur terram, de
qua sumptus est.

G E N. III.




Ex pulit omnipotens hominem de sede beata,
Nutriat ut proprio membra labore, Deus.
Pallida tūc primum uacuū Mors uenit in orbem:
Humanum rapiunt hinc mala fata genus.

A 4

MALEDICTIO.

Maledicta Terra in opere tuo, in laboribus comedes cunctis diebus vita tua, donec reuertaris, &c.

GEN. III.



*Sit maledicta tuo sterilis pro crimine Tellus,
Vita tibi multi plena laboris erit:
Donec in exiguae Mors tellure reponet,
Quod fueras primum, tum quoq; puluis eris.*

Vx,vx,vx habitantibus in terra.

A P O C . V I I I .

Cuncta,in quibus spiraculū vite est,mor-
tua sunt. G E N . V I I .



Vx nimium uobis, misero qui uiuitis orbe,
Tempora uos multo plena dolore manent.
Quantumcunque boni uobis fortuna ministret,
Pallida Mors ueniens omnibus hospes erit.

A 5

Moriatur Sacerdos magnus.

Iosve xx.

Et episcopatum eius accipiat alter.

PSAL. CVIII.



Qui non mortalis uitæ tibi munera fingis,

Rebus ab humanis eripièrre breui.

Maximus es quanvis Romana in sede sacerdos,

Quod geris officium, qui gerat, alter erit.

Dispone domui tuę, morieris enim tu, &
non viues.

ISAIAE XXXVIII.

Ibi morieris, & ibi erit currus gloriæ tuæ.

ISAIAE. XXII.



Sic tibi disponas commissi munera regni,
Ut transire alio posse repente putas.
Cur? quia cum uitam suscepta morte repones,
Tunc tua diuulsus gloria currus erit.

Sicut & Rex hodie est, & cras morietur:
nemo enim ex regibus aliud habuit.

ECCLE. X.



*Splendida ferthodie regni qui sceptra superbus,
Craftina lux illi tristia fata feret.
Quisquis enim regni summas moderatur habens
Munera discedens non meliora feret.*

Væ qui iustificatis impium pro muneri-
bus, & iustitiam iusti aufertis ab eo.

ESAIÆ V.



Væ nimium uobis, qui iustificatis iniquum,
Erigitisq; malos, deprimitisq; bonos:
Donaq; sectantes fallacis inania Mundi,
Iustitiae uerum tollere uultis iter.

Gradientes in superbia potest Deus humiliare.

DANIE. IIII.



Vos quoq; quos uitæ delectat pompa superbæ,
Implicitos fatis auferet una dies.
Herba uirens pedibus ceu conculcatur euntis:
Ultima sic tristi uos pede fataterent,

Mulieres opulentæ surgite, & audite vo-
cem meam: Post dies & annum, & vos
conturbemini.

ISAIAE XXXII.



Huc etiam dominæ, matronaq; diues adeste,
Sic etenim uobis mortua turbare refert:
Post hilares annos, & inanis gaudia Mundi,
Turbabit Mortis corpora uestra dolor.

Percutiam Pastorem, & dispergentur o-
ues gregis.

MAT. XXVI. MAR. XIII.



Mors, ego percutiam Pastorem, dicit, inermem,
Illi in terram mitra pedumq; cadent,
Tum pastore suo per uulnera Mortis adempto,
Incustodite discentur oves.

Princeps induetur mœrore. Et quiescere
faciam superbiam potentium.

EZECH. VII.



Princeps magne ueni, peritura raudia linquas,
Quicquid et incerti Mundus honoris habet.
Sola queo Regum sublimes uincere fastus,
Imperio cedit splendida pompa meo,

B

Ipse morietur , quia non habuit discipli-
nam,& in multitudine stultitiae suæ de-
cipietur.

PROVER. V.



Iam moriere miser, quia disciplina piorum
Nunquam uera tibi, sed simulata fuit.
Stultitiaeq; tuæ magno deceptus aceruo,
Es stolida falsum mente secutus iter,

Laudau i magis mortuos, quam
viuentes.

ECCLE. IIII.



Plus ego laudaui Mortem, quam uiuere, semper,
Vita quod hæc uarijs est onerata malis:
Nunc ingrata tamen me mors detrusit ad illos,
Fatorum rigida qui cecidere manus:

B 2

Quis est homo, qui viuet, & non videbit
Mortem, eruet animam suam de manu
inferi?

PSAL. LXXXVIII.



Quis tam grādis homo, tam forti pectore uiuit,
Cui maneat semper nescia uita necis?
Quis uitare potest, quod deiicit omnia, lethum,
Eripiens animam Mortis ab ense suam?

ebit
ianu

Ecce appropinquat hora.

M A T . X X V I .



Tu petis ecce chorūm pompa comitante frequēti,

Mox age, dī horas uoce precante tuas.

Nam te fata uocant, illa morieris in hora,

Quæ tibi fert tristem, non reuocanda diem.

B 3

Disperdam iudicem de medio
eius,


AMOS. II.



Vos ego, qui donis corrupti falsa probatis,
E medio populi iudicioq; traham.
Non eritis iusta fatorum lege soluti,
Quam modò, qui uiuit, nemo cauere potest

Callidus vidit malū, & abscondit se: inno-
cens pertransijt, & afflictus est damno.

PROVER. XXII.



Vidit homo cautus delicta, malumq; probauit:
Pauperis ex iusti causa repulsa fuit.
Iustitiæ titulo uexatur egenus ex insons,
Legibus ex maius munera pondus habent,

B 4

Otcn

Qui obturat aurem suam ad clamorē pau-
peris, & ipse clamabit, & non exau-
dietur.

PROVER. XXI.



*Consulitis dites omni locupletibus hora,
Pauperis & clausa spernitis aure preces;
Sed uos extrema quando clamabitis hora,
Sic etiam clausa negliget aure Deus.*

Væ qui dicitis malum bonum, & bonum
malum: ponētes tenebras lucē, & lucem
tenebras: ponentes amarum in dulce, &
dulce in amarum.

ESAIAE V.



Væ qui taxatis pro falso crimine rectum,
Quodq; malum uerē est, dicitis esse bonum.
Ex tenebris lucem facitis, de luce tenebras,
Mellaq; cum tristi dulcia felle datis.

B 5

Sum quidem & ego mortalis
homo.


S A P. VII.



Ecce Sacramentum cœlestia munera porto,
Vnde ferat certam iam moriturus opem.
Sum quoq; mortalis, simili quia sorte creatus,
Tempora cum uenient, cogar, ut ille, mori.

Sedentes in tenebris, & in umbra mortis,
vincos in mendicitate,

PSAL. CVI.



Haec uia fallendi mortales pulchra uidetur,
Qua tegitur ficta religione malum.
Namq; foris simulant magnum pietatis amorem,
Omne uoluptatum sed genus intus habent.
At cum finis adest, ueniunt tristissima dona:
Accumulat cunctos Mors inimica malos.

Est via, quæ videtur homini iusta: nouissima aut̄ eius deducit hominē ad mortē.

PROVER. IIII.



Apostrophe ad Mortem.

Quid sacram terres Mors inuidiosa puellam?
Gloria de uicta uirgine parua uenit.
I procul, et senio confectis retia ponas:
Hanc sine delicijs incubuisse suis.
Conueniunt hilari lususq; iociq; iuuentæ,
Siumpaq; furtiuo gaudia leta toro.

Melior est M o r s , quām
vita .

ECCLE, XXX.



Vita diu mihi pœna fuit, me nulla uoluntas
Incitat, ut cupiam longius esse super.
Mors melior uita, certa mihi mente uidetur,
Quæ redimit cunctis pectora fessa malis.


Medice, curate ipsum.

L V C A E - I I I I .



Tu bene cognoscis morbos, artemq; medendi,
Qua simul ægrotis subueniatur, habes.
Sed caput ô stupidum, cùm fata aliena retardes,
Ignoras morbi, quo moriere, genus.

Indica mihi si nosti omnia. Sciebas quod
nasciturus es, & numerum dierum tuo
rum noueras? IOB XXXVIII.



Aspiciens curuum ficta sub imagine cœlum,
Euentura alijs dicere fata soles.
Dic mihi, si bonus es uenturæ sortis aruspex,
Ad me quando tibi fata uenire dabunt?
Inspice præsentē, quā fert mea dextera, sphæra,
Te melius fati præmonet illa tui.

Stulte, hac nocte repetunt animam tuam:
& quæ parasti, cuius erunt?


L V C A E - X I I .



Hac te nocte manu rapiet Mors tristis auare,
Inq; breui tumbla cras tumulatus eris,
Ergo cum procul hinc uita priuatus abibis,
Quo bona peruenient accumulata tibi.

am:
Qui congregat thesauros lingua mendacii, vanus & excors est, & impingetur ad laqueos M O R T I S.

PROVER. XXI.



The sauros cumulat qui per mendacia magnos,
Et bona corradit plurima, stulta facit.
Mors etenim quando trahet in sua retia captum,
Hunc faciet facti pœnituisse sui.

C


Qui volunt diteſcere , incident in tentationem & laqueum, & cupiditates multas ſtultas, ac noxias, quæ demergūt homines in exitum & interitum.

I. ad TIM. VI.



*Vt bona Mortales uobis mundana paretis,
Obijcitis uarijs pectora uestra malis.
Sic fortuna potens in multa pericula lapsos
Ad summum ducit perditionis iter.*

Subito morientur, & in media nocte tur-
babuntur populi, & auferēt violentum
absq; manu. Iob xxxiiir.



Insurgent populi contra fera bella gerentem,
Qui nihil humanæ commoda pacis amat.
Magnanimo freti violentum robore tollent,
Ipse cadet nulla percutiente manu.
Nam genus humanum ualidis qui læserit armis,
Auferet hunc fato Mors violenta graui.

C 2


Quoniam cùm interierit, non sumet se-
cum omnia, neque cum eo descendet
gloria eius.

PSAL. LXVIII.



Nobilis haud ullos secum portabit honores,
Deijciet summo Mors ubi dura loco.
Non celebres titulos,, claræq; insignia gentis
Auferet,in tumba nil nisi puluis erit.

t se-
ndet
Spiritus meus attenuabitur, dies mei bre-
uiabuntur, & solum mihi superest sepul-
chrum. LOB XVII.



Attenuata meis fugerunt robora membris,
Vitaq; currentis fluminis instar abit.
Quam citò præterijt nūquam reuocabile tēpus,
Et reliquum tumbam nil mihi præter erit.
Tristia iam longæ pertæsus numera uitæ,
Me precor ut iubeant numina summa mori.

C 3

Ducunt in bonis dies suos, & in puto ad
inferna descendunt.

I O B X X I .



Consumunt uitam per gaudia multa puelle,
Omne uoluptatum percipiuntq; genus.
Tristitia curisq; uacant, animoq; soluto
Otia delicijs condita semper amant.
Sed miseræ tandem fato mittuntur ad Orcum,
Vertit ubi summus gaudia tanta dolor.

Me & te sola M o R s sepa-
rabit.

R V T H I.



Hic est uerus amor, qui nos coniungit in unum,
Et ligat æterna mutua corda fide.
Sed nimis heu paruo durabit tempore: namque
Mors citò coniunctos diuidet una duos.

C 4

De lectulo, super quem ascendisti, non
descendes, sed morte morieris.

III. REG. I.



Quem premis, ô virgo, iuuenili corpore lectum,
Non hinc dura tibi surgere fata dabunt.
Nam prius exanimem te mors uiolenta domabit,
Pallidaq; in tumulum corpora falce trahet.

Venite ad me omnes, qui laboratis, & o-
nerati estis.

MATTH. XI.




Huc ades, & promptus uestigia nostra sequaris,
Pondera qui fesso tergore tanta geris.
Iam satis es nummos pro merce forumq; secutus:
Omnibus his curis exoneratus eris.

C 5

In sudore vultus tui vesceris pane
tuo.

GEN. III.



Ipse tibi multo panem sudore parabis,
Præbebit uictum nec nisi cultus ager.
Post uarios usus rerum uitæq; labores,
Finiet ærumnas Mors violentatua.

Homo natus de muliere, breui viuens tē-
pore, repletur multis miserijs: qui quasi
flos egreditur, & conteritur, & fugit ve-
lut umbra.


IOB XIII.



Omnis homo ueniens grauidam mulieris ab alio,
Nascitur ad uarijs tempora plena malis.
Flos citò marcescens ueluti decedit, & ille
Sic perit, & tanquam corporis umbra fugit.

Cum fortis armatus custodit atrium suū,
&c. Si autem fortior eo superueniens vi-
cerit eum, vniuersa eius arma aufert, in
in quibus confidebat.


L V C A E XI.



*Fortis & armatus, dum uis, & uita supersit,
Tuta sui seruant atria præsidij:
Ecce superuenit iunctis Mors fortior armis,
Huncq; male tuta de statione rapit.*

Quid prodest homini, si vniuersum Mun-
dum lucretur, animę autem suę detri-
mentum patiatur.


M A T T H . XVI.



Quid prodest homini totum si sortibus orbem,
Ac aleae innumeras arte lucretur opes:
Detimentum animae fato patiatur acerbo,
Nulla quod ars, fraus, sors, post reparare
queat:

Ne inebriemini vino , in quo est
luxuria.

EPHES. V.



Parcite mortales nimio uos mergere Baccho,
Cui Venus expumans, luxus et omnis inest:
Ne ueniens cogat somno, uinoq; sepultos,
Mors animam uomit u reddere purpuream.

Quasi agnus lasciviens, & ignorans, nescit
quod ad vincula stultus trahatur.

PROVER. VII.



Insanire, & scire nihil, suauissima uita est:
Optima non itidem. Quid furiosus agit
Securus fati, simplex lascivuit ut agnus,
Nescius ad mortis uincula quod trahitur.

Domine, vim patior.

ESAIAE XXXVIII.



*Vt iugulent homines surgunt de nocte latrones:
Tollunt, quæ plenis fert anus in calathis.
Vim patior, clamat, mortem mittit Deus ultior,
Quæ per carnificem strangulat hos laqueo.*

Cæcus cæcum dicit: & ambo in foueam
cadunt.

MATTH. XV.



Pro duce cæcus habet cæcum. Dum incertus u= terque

Ambulat: in foueam lapsus uterq; ruit:
Ulterius nam sperat homo dum pergere, tumbæ
In tenebras illum Mors mala præcipitat.

D

Corruit in curru suo.


I. CHRON. XXII.



*Fertur equis auriga, nec audit currus habenas,
Dum Mortis pugnat cum ratione timor.
Corporis exiliente rota, deuoluitur axis:
Vina fluunt ruptis sanguinolenta cadis.*

Miser ego homo. Quis me liberabit de
corpore mortis huius?

R O M . V I I .



Qui cupit exolui, & cū Christo uiuere, mortem
Non metuit. Tali uoce sed astra ferit,
Infelix ego homo. Quis ab huius corpore mortis
Liberet(heu)miserum me miserum eripiatis

D 2

Confodietur iaculis.

EXODI IX.



Hic puer ætate imprudens, est sanguine feruens,
Cum parma iaculum (cætera nudus) habet.
Infelix puer, atq; impar congressus atroci
• Morti, quæ iaculis confodit hunc proprijs.

Pueri in ligno corrucrunt.

THREN. V.



Ludere par impar, equitare in arundine longa,
Socratico & pueros currere more iuuat.
Ecce repente ruunt equites in caudice ligni,
Ligneus ut Troiae Pergama uertit equus.

D 3

Quorum Deus venter est.

PHILIP. III.



Non secus ac pueri sine solicitudine uiuunt,
Quorum maximus, est uenter & esca, Deus.
Quem pinguem & nitidum, bene curata cute
tollunt,
Fronde coronatum, Mors leue tollet onus.

Fortium diuidet spolia.

ISAIAE LIII.



Clara triumphatis hominum uictoria summis,
Ut summos doceat quosq; dedisse manus:
Diuidit erectis spolia exarmata tropheis
Victrix uictorum Mors uiolenta uirum.

D 4

Omnis stabimus ante tribunal. R.O.XIII,
Vigilate & orate, quia nescitis qua hora ve-
turus sit Dominus. M A T. XXIII.



*Quilibet ut possit rationem reddere, cuncti
Iudicis æterni stabimus ante thronum.
Propterea toto uigilemus pectore, ne cum
Venerit, irato iudicet ore Deus.
Et quia nemo tenet uenturi iudicis horam,
Esse decet uigiles in statione pios.*

Memorare nouissima & in æternum non
peccabis.

ECCLE. VII.



*Si cupis immunem uitijs traducere uitam,
Ista sit ante oculos semper imago tuos.
Nam te uentura crebro de Morte monebit,
Quam repetens omni tempore cautus eris.
Da precor ut uero te pectore Christe colamus;
Omnibus ad cœlum sic patefiet iter.*

D 5

Rom. V.

Sicut per vnum hominem pec-
atum in hunc Mundum in-
travit, & per peccatum Mors:
ita in omnes homines Mors
pertransiit, in quo omnes pec-
cauerunt.